

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

V. Ea interpretatio locum semper habuit in Gallia, statim post Concilium Lugdunense. Vetitum tamen lege Philippi IV. de domus diruerentur, ut antea fiebat. Bona capi solita, post Concilium Lugdunense ...

**urn:nbn:de:hbz:466:1-15591**

niti Canonici ut interdictum amoveant, cùm recusarent, excommunicantur, eorūmque bona jubente Rege capiuntur. Querela defertur ad sedem apostolicam, ac si per vim absolutio à censuris exigetur contra decretum Concilij Lugdunensis. Qua de re literis Pontificis Rex monitus, per Episcopos legatos suggestis Papae, inter cetera, bonis captis diltringiā se Capitulum, quod suam jurisdictionem invalidaret. quo jure adversus Reges & Principes in simili specie uteretur. Deinde non esse quod vis adhibenda sit ad eam excommunicationem solvendam quæ nulla sit. Quare duplice responsione nos instruit; bona scilicet capi principaliter ob injuriam quæ fit regiae jurisdictioni, quod prohibitum non est à Concilio Lugdunensi. tum decretum illud non violari, si excommunicatione sit nulla. *Nec tale nostrum jus evacuare, inquit, vel tollere intellectus Concilium Lugdunense, sed iura Ecclesiastiarum duntaxat ita conservare, quod propter hoc non rapiant vel infusse retineant aliena. Alias, summa & evidens iniurias insuperet ex eodem, quod non est ferendum; cum sit perpetuum iuris concordare.* Plurima alia his mandatis continentur, de quibus Philipus cum apostolica sede expostulat. Vnde patere possit, necessitate cogente Reges Francorum ad repeienda antiqua iura, quæ paulatim convellebantur, & ad restaurandam dignitatem suam, per modum defensionis naturalis, tandem impulsus fuisse. De his capitibus, quæ Clericorum privilegia respiciunt, alibi dicimus uberrimè, cùm hic tantum de modo & ratione retinenda jurisdictionis agatur. Observandum autem est, Baillivum Carnotensem ex mandato Regis ita cavisse scripto suo, ut de his quæ literæ apostolicæ complebantur se responsurum coram Rege & ejus Curia sponderet, quod attinet ad jurisdictionem Domino Regi competentem, quoad ea verò quæ spiritualitatem continent, coram judice competente jus Domini Regis defensurum.

V. Eam verò interpretationem, quam modò retuli, secuti majores nostri, Episcopos & Clericos à perturbanda jurisdictione seculari, bonis captis etiam post decretum Lugdunense averterunt. Temperamentum tamen quoddam adhibuit Philippus IV. constitutione edita anno M C C C I I. scilicet ne domus captæ diruantur, aut deformentur, quod aliter obtinebat temporibus Iovonis, ut suprà adnotavi. Prater testimonia superius adducta, tres oculatos testes proferre possum, omni exceptione majores, qui docent quānam esset magistratum regiorum sententia. Durandus enim Mimatensis

Episcopus conquerebatur suo tempore vim fieri jurisdictioni ecclesiastica à judicibus secularibus contra decretum Concilij Lugdunensis: *Item impediunt, inquit, jurisdictionem Ecclesie: quia cum in eos, vel eorum ministros, aut officiales, vel subditos, excommunicationis, suspensionis, interdicti sententia profertur, gravant es hoc preferentes, vel res aut subditos eorumdem, quoique solutionis beneficium deferant ad eosdem; nec sufficit remedium excommunicationis, sicut ait Gregorius X. de sententia excommunicationis. Quicunque in Sexto. Guillelmus Nogaretus & G. de Pleissano Milites & Regini procuratores eodem tempore quo Durandus, id est, circa annum M C C C I I, asserunt in libello suo porrecto Clementi V. Pontifici, quod cum Prelati, vel eorum officiales, per jurisdictionem suam spiritualiē impediunt & perturbant jurisdictionem temporalem notorię, sic quod negari non potest, Dominus Rex predictus de antiqua confuetudine regni, quia spiritualitatem Prelatorum coercere non debet, distingere potest temporalitatem talium, quoique cessent ab impedimento predicto. Intra: Et dicto iure coercitionis Dominus Rex utitur, & tam ipse quam ejus predecessores usi sunt tanto tempore de cuius contrario memoria non existit.*

*Durandus in tractat de modo Concilij gener. celebrandi Rubr. 70.*

C. 7. N. 22. f.  
24. Tom. 2. L. 1.  
batt. Eccl. Gall.

### C A P V T X I X.

#### Synopsis.

I. Post contentiones ob Pragmaticam Sanctionem pax initur inter Ecclesiam & regnum. Indictio Concilij Lateranensis, cui tandem adhuc Ludovicus XIII. Transigit cum Leone X. Franciscus I. Controversia ecclesiastice finienda sunt per conventionem, è Gelasio II. & Concilio Africano.

II. Per Concordata, restituta est pax & libertas Ecclesia Gallicane. Eorum exercitio commissa Regi à Pontifice, & à Rege, Curia Parliamenti. Quæ per appellations ab abuso conventiones illas tuentur.

III. Abusus dictio usurpata in Gallia ante annos trecentos, ex Durando, Ioanne Parisense, & veteri arresto. Post Concilium Constantiense, frequentius. Abusus est potestatis perversus usus, è Simplicio, Adriano secundo, Sieberto, Roberto Lincolnensi.

IV. Antiqui Pragmatici appellations ab abuso in ecclesiastica usi sunt ante Concordata: quæ, cùm de re scriptis Papa agebatur, subsidiaria erat appellations ad Papam & ad Concilium. Error recentiorum, qui Petri Courthardi & Ioannis de Nanterre veteres appellations formulari ad Curiam Parliamenti directas fuisse existimant. Earum via explicata.

V. Appellatio ab abuso, à judicis Episcoporum in negotio ecclesiastico, ante Concordata, ex Aufriero. Distincta erant rescripta ob Pragmaticam infra dictam, & appellations ab abuso. Primo casu non appellabatur, sed ex nullitate agebatur. In ceteris casibus appellabatur, abusus mentione injecta, ad testandum nihil agi jurisdictione ordinaria à judicibus secularibus. Merita

Lij